

SANITÈ: La doturia Grete Mahlkecht é demez dai 25 ai 29 de setëMBER y vëgn sostituida dal dotur Eduard Agreiter 333 13 80 852.

### PLOANIES SAN MARTIN Y LUNGIARÜ

Le Cor Mosaic cun le Sorvisc ai Jogn y i Jogn d'Al Plan invieia ala mëssa por la jonëza, dal inom "Feel together - ascuté y amiré", en sabeda, ai 30 de setëMBER, dales 20.00, tla dljia d'Al Plan. I "Mosaic" portará dant cianties modernes, löms y proieziuns. Chësta mëssa è sambëgn daverta a düc.

La Uniun di Èi dl decanat dla Val Badia invieia düc i èi y i jogn a tó pert ala prozesciun cun linternes en vëndres ai 29 de setëMBER, dales 19.30, dala dljia de San Linert sö Oies. Tolësse do na linterna o na ciandëra.

Pelegrinaje a Weißenstein: organisé dal'Uniun S.Vinzenz, le dedolönesc, ai 26 de setëMBER. An pëia ia con le bus dales 8:30 dala plaza dl Cone. Al vëgn cun nos siur Klaus. La marëna se paia vignun instës. Por le bus él da paié 20 €. Da se prenoté pro Angela tel. 338 24 30 045.

La Union Generela di Ladins dla Dolomites invieia al Peregrinaje sö Oies en sabeda, ai 30 de setëMBER. Dales 14.30: Incuntada tla cortina de San Linert; 14.45: Momënt de recort dan la fossa dla presidënta onorara Hilda Pizzinini; 15.00: Tru dles Staziuns; 16.00 Mëssa (al cianta la Scola Cantorum de Anpezo).

Al pröm d'otober vëgnel festejé le De di Seniors y dla Jënt atempada. Chësc de tignunse ince tla Ciasa de Palsa adöm cun n de dla porta daverta. Dales 10.00 Mëssa dla comunité ciantada dal cor de dljia da San Martin. Dedô matiné cun liagnes blances pro cianties en compagnia cun le cor. An podará imparé da conësse i reparc y i sorvisc dla Ciasa de Palsa. A Osta presënza s'inconforta i berbesc y les mëdes y le personal dla Ciasa de Palsa.

### SAN MARTIN

Dilan dles ofertes ala dljia en recordanza de Agostin Clemente da pert de Pio Trebo y de Leo y Monica Crepaz.

Incö do mëssa vëgnel venü crafuns da segra! Dales 10.30: matiné; 13.30: defilada y concert dla Musiga da Rina; 18.00: musiga da bal (La Musiga)

La festa di maridá iubilars vëgn tignida la domënia ai 15 d'otober.

### LUNGIARÜ

I oressun ciamò daidé recordé da paié ite le contribut por la cöra (35 euro por aduc, 10 euro por studënc y 5 euro euro por mituns dla elementara) che pó gni paiá pro la Raika IBAN: IT 63 K 08010 58830 000304004931. Bel dilan a chi che á bele paié. Ma sce düc dëida, sunse bugn da jí inant.

Ginastica por èi y ères cun Cristina Salton metüda a jí dal KVW: movimënt, stabilité, ecuiliber y prevenziun tla palestra da Lungiarü ai 03, 10, 17 y 24 d'otober y ai 07, 14, 21 y 28 de novëMBER dales 19.30 ales 20.30. Cost 40 euro porom. Iscriziuns pro Annamaria 338 73 75 305

-----

Tla pert daite ciafëise ciamó d'atres informaziuns.



## Plata dles Ploanies San Martin y Lungiarü

plaoan siur Klaus Sottsas 344 15 54 055 - klsottsas@rolmail.net  
curat siur Heinrich Perathoner 339 65 74 213  
redaziun: anton.gasser@rolmail.net - 348 27 44 517 / 0474 523 194

### 24.09. - 01.10.23 n. 44

[unitepastorala.org](http://unitepastorala.org)

ultimo termo por comunicaziuns: jöbia, dales 20.00

## 25<sup>a</sup> Domënia ia por l'ann A

### Vangele do san Matí 20,1-16

.... Canch'al è gnü da sëra, à le patrun dla vigna dit a so aministradù: Chërda i oras y paii fora le paiamënt, meton man dal ultimo cina al pröm. Al gnò chi che è gnüs tué sö dala önejima ora, y vignun à ciafè n denar. Canch'al è rové pro i pröms, minâ chisc de ciafè deplü. Mo ince chi à mâ ciafè n denar porom. Dailò ài metü man da se lascé sö cuntra le patrun y dijô: Chisc ultimi à mâ lauré öna n'ora, y tö i as traté anfat sciöche nos; nos deperpo ùn soporté döt le dé le pëis dl laür y le cíalt. Mo le patrun ti à respognü a un de chi: Amì, al ne te vëgn fat degun tort. Ne n'este nia gnü a öna cun mè sön un n denar? Tol tü scioldi y vätun! Iö indere ô ti dè al ultimo tan co a té. Ne poi nia fà cí ch'i ô cun cí che é mi? O este invidius, deach'i sun bun cun i atri? ....



*Gejú cunta chësta parabola dl règn de Dì. Le patrun dla vigna é Chël Bel Dì y chësc patrun pó adoré düc - nia ma i mius, i lezitënc, i afidabli, mo al chir ince chi che degügn ne n'ó avëi y chi che ne vel nia da lauré. Düc, chi che vá tla vigna, ince ma por n'ora, á por él le medemo valor. Y chësc é n insegnamënt por nos düc, dantadöt por chi che ó ester i mius. Al nes ó avëi düc pro d'ël, sciöch'i sun sëgn y por le momënt. Pro d'ël n'él degönes premies o indenités por chi che laora deplü. I ciafun düc por paiamënt n denar, chël ó dí, ci ch'an adora da vire por n de. Idí fistidiëia por sëgn y por le momënt. I n'un nia bria da ciaré da davagné deplü. Chësc é na coreziun de nostes usanzas y de nostes aspetatives. Ester contënc cun ci ch'i adoran incö! N'é nia chësc massa püch? Por Gejú n'é chësc nia massa püch. Da perié do le pan ch'i adoran por incö nes insëgnel ince tl Pater noster. I n'oran nia miné da messëi ciafé deplü.*

EDEMA - ANN "A"	SAN MARTIN	LUNGIARÜ	
<p><b>24.09.23</b> <b>25<sup>a</sup> Domènia dl ann A</b>  <i>De Mondial di Migranc</i></p>	<p><i>Segra da San Martin</i> <b>9.00 Corona</b> <b>9.30 Gran Mëssa por la comunité</b> 3<sup>a</sup> de sopoltöra de + Augustin Clement dl ann + Maria Grünfelder Flöss + + + Sepl y Nando Sorà y Ida Flöss + + Giovanni y Teresa Flöss</p>	<p><b>7.50 Corona</b> <b>8.15 Gran Mëssa por la comunité</b> por i nüc Ivan Sorà y Iris Schanung de renger. fam. Domenico Clara por fam. Iaco Castlunger + Silvia Zingerle Rives <b>14.00 Tru dles Staziuns</b></p>	<p>Le Grup Sportif dl Cör Val Badia inviëia al referat "Mé al cör informëiete" cun le dotur cardiologh Martin Erckert (Ospedal da Maran) ai 27 de setëmber dales 17.00 tl foyer tl Ospedal da Bornech. Al respognará ion a ostes domandes sön les maraties y i prighi incër le cör. Düc é dër bel inviá da sfruté chësta ocasiun.</p> <p>La Portina por l'Assistënza y Cura dl Raiun Sozio-Sanitar Val Badia mët a jí na incuntada sön le tema "Desposiziuns de tratamënt - Poscibilité da stabilé y planifiché damperfora mia orenté" cun la doturia Monika Vökl, che laora tl Sorvisc de cures paliatives dl ospedal da Porsenú, en mercui, ai 27 de setëmber, dales 15.00 inant tla Ciasa de Palsa a San Martin. Düc é bel inviá</p>
<p>25.09.23 <b>Lönesc</b> <i>Niclaus da Flüe, Gottfried</i></p>			
<p>26.09.23 <b>Dedolönesc</b> <i>Cosma y Damian, Paul VI.</i></p>	<p><b>8.00 Mëssa</b> + + Sepl y Maria Dejaco, Mair + Marcello Scalmati + Albert Trebo, dl Tasser</p>		
<p>27.09.23 <b>Dedemesaledema</b> <i>Vinzenz de Paul, Flavian</i></p>		<p><b>7.30 Mëssa</b> + + Paul y Maria Castlunger + Ida Nagler, Mair</p>	<p>"Do you speak English?" - curs de inglej, livel mesan, por scrí y baié cun ghësc, cun l'insegnanta Lalena Stull, organisé dales Ères tl Artejanat Val Badia, en colauraziun cun le Consëi de Formaziun de Badia.</p>
<p>28.09.23 <b>Jöbia</b> <i>Wenzel, Lioba</i></p>			<p>Le curs mët man en mercui 27 de setëmber, por indöt 10 iadi, tres de mercui, dales 20.00 ales 21.30 a La Ila tla Cassa Raiffeisen. Le cost é de 95,00€. Le curs é davert a düc y le numer di partezipanc é limité. Info y iscriziuns al nr 339 11 04 083 (Manuela).</p>
<p>29.09.23 <b>Vëndres</b> <i>Michil, Gabriel y Rafael</i></p>	<p><b>18.30 Adoraziun chîta</b> <b>19.00 Adoraziun deboriada</b></p>		
<p>30.09.23 <b>Sabeda</b> <i>Iarone, Sofia</i></p>	<p><b>18.30 Mëssa prefestia</b> families Flöss, de Poldele + Sepl Flöss, d'Arzó + Ida Dariz + + Alfred y Erica Videsott</p>	<p><b>13.30 Mëssa da noza de Ivan Sorà y Iris Schanung</b></p>	<p>Referat "Tecniches da conservé la ordöra cun rezëtes" cun Martina Irsara da Prettau en sabeda ai 07 d'otober dales 14.00 - 18.00 tla ciasadafüch dla scora da Lungiarü. Organisé dales patrones dl Comun da S. Martin de Tor y dal Consëi de Formaziun. Se prenoté cina ai 05 d'otober pro Lucia 338 99 18 326; alplü 15 porsones.</p>
<p><b>01.10.23</b> <b>26<sup>a</sup> Domènia dl ann A</b>  <b>DOMÈNIA DL ROSARE</b></p>	<p><b>9.40 Prozesciun dl Rosare da dlijia ite dala ciasa de palsa</b> <b>10.00 Gran Mëssa tla Ciasa de Palsa</b> en onur de S. Ojöp Frëinadamez por la familia de Giovanni Chizzali</p>	<p><b>7.50 Corona</b> <b>8.15 Liturgia dla Parora</b></p>	<p>En lönesc, ai 2 d'otober dales 19.30 é l tla Ciasa de Palsa a San Martin de Tor n referat "Medizinisches Cannabis für Senioren und Patienten mit chronischen Krankheiten" cun le dr. Gastmeier Knud por todësch cun traduziuns tl talian. Düc é inviá.</p>